

صاحب امتیاز و مدیر مسئولی
حاجی بك زاده احمد مختار

ادرس : استانبول محبان

مسلكمزه موافق كوندريالان مكشوبلر
مع الممتونيه درج اولنور.

بر دانهسی (۱۰) باره در

محسان

۱۳

۲۵

بر سنه لك آيونهسی بش غرونش ياخود بش
بجق غرونشاق بوسته و سائر بولدر

كوني كيمش سنه لرساتيله از . البري الله ايتك
آنجق آيونه اولغه متوقدر . آيونه لرساتيله
اباك نومروسدن باشلار

امضاسر مقاله لر صاحب امتیاز كدر

بر دانهسی (۱۰) باره در

مشتاق حریت مشروعه اولان بالجمله محبان مشروطیتك واسطه نشر افكاری اوله رق هر آيك اون بشنجی كونلری نشر اولنور

درویشك

زون تركلر و دختلری ایلک سطرلی

سیاحتی

محرری : طریق رفایه نقیاسندن حاجی بك زاده احمد مختار

مردم

قارا کاکلرده

جناب حقك ۱۲۸۸ محرمك اون ییجی كونی،
بنی قوجاقلرینه براق دینی محیطم ، بكا (اعتقادده
مذهبیم) نه اوله جفنی بیله دیرمه دن ، جین پریار
حکایه لرینی و دینی سساعتلرده اولسونلر ، ك
چارپه لرینی اكلاتمه لزوم كورمه دن عبادتلك
افضلی ؛ حس ایتدیکك ظلمی ازاله ایتك و قوتك
ایزشه مدیکي ظالمه لعنت او قومق اولدینی تلقین
ایتمش . ومصال اوله رق ده كندی دعوی مزك [۱]
پارچه لرینی سویلیه سویلیه محاربه لرك ؛ هجر تارك ،
مقبر و برك ؛ اولومارك زلزله لرك ؛ فورتنه لرك
بشریتنه یابه مدینی تخریباتی بز مسلمانلره
دها سورکلی آجیارله دها مرحمتسز شكللرله
یاپان بزم دواثر رسمیه من اولدینی بك كوچك
و كوچك اولدینی او قدر بوش بولنان بینمه نقش
ایتمش ایدی .

[۱] اسکی بردعوا در . دور حمیده اعلاهی
التش اسه ده اجرا اولنه مش ایدی . مشروطیت ده
نا تمام اوله رق اجرا اولدیفندن هنوز نتیجه لئه مشدر .

اك دكرلی ضابطلرمز بر آلاي (سرخوش)
بولندقلری اعتقادی موجود ایدی .

ایشته بنم ایلک آلدیغ درس بو ، و بو اولدینی
ایچونده ایلک دشمنم (حکومت) اولش ایدی .
حکومت ظالم ایدی . بونی ازاله ایتك
فرائض دیندن شان انسانیتدن ایدی . لکن
حکومتك باشنده پادشاه واردی .

پادشاه ، آل ایرمز کوچ یتیز بر قوت می
ایدی ؟ . بوكا یالکیز (لعنت) لهی ا کفا
اولنه جقدی ؟ بونکله برابر اجراآت ظالمه نك
آمر مطلق حقیقه پادشاه می بولنیوردی ؟
بو نقطه نیجه (قراکلی) ایدی .

* *

پدرمك مشایخ ملا میه دن مرفته لی خواجه
عبداه افندی نامنده دیگر احباسنه قطعیاً قیاس
ایدلز بردوستی واردی . بو ذات یا مدحت
باشانك و یا خود محمود باشانك محرمی ایس .
بویله اولدینی حالد بزم کاپر ، میدانی مساعد
بولنجه احوال حاضرهن بحث آجیلورسه
عبدالحمیده او قدر ظلم اسناد ایتز :

دها رشدیة عسکریه ده ایکن بن ؛ دینك
حقیقی اساسلرینی او قومیه او قومیه محبت
ملیه منی محوه چالیشان و احتیاجات ضروریه
ومندیسه منی انسانجه تدارك ایتنه ك چاره
یکانه سی بولنان صنایع منی رغبتدن دوشوره
دوشوره اییشسز لکدن متولد آچلقدن هر قومیه
بویون ایتنه ك آیشدیران . شو حالد حیثیت
شخصیه حسارینی اونوتدیران و بوسیده افراد
حائله دیمك اولان اقسام وطنك پارچه لئمسنده
بر آجی دویوبده سس چیقارارق اطرافنی راحتسز
ایتنه مزك یوانی حاضر ایان . ظالمك ؛ بیانیجی دکل ،
کندی حکومتسز اولدینی اکلماش و محیطم
ایچنده ازلر ، دلیل لركوره رك بونك بویله اولدینه
پولاد کی بر ایمان صاحی بولنیور ایدم . [۲]
بوایمانك ایجابی اوله رق اك بیوك آمرلرمز
برر (حانی) اك كوچك مأمورمز برر (خیرسز)

[۲] ۲۵ مارت سنه ۳۲۵ تاریخیه مجلس
مبونان عثمانی به تقدیم ایلدیکم رساله طرزنده مطبوع
عرضحالک مطالعه منی توصیه ایدرز . بهاسی ایکی
غروشدر . برروماندن فرقی اولیان (مهور دعوی)
نك تفصیلاتی ده اوراده در .

— الله جماعته كوره امام ويرر .

دير قباحتي ملته يوكلتمك ايستر ایدی .
پدرم ايسه بالعكس معترض بولنور ، هر
فنالك مصدری سلطانك كندوسی اولدینی
اجتهادنده بولنديغنی اكلاتیر و ؛

— بالاق باشند قوقار .

دير ایدی . بوبخت نرم مسافر او طه سنده
بوايكي اسكي آرقداش آره سنده سنه لرحه و بعض
وقت ديكر او طه لرده غوغا ظن ايديله جاك
درجه ده بك حرارتی لسانلرله دوام ایتش
ایدی . لیکن هیچ بر دغه سنده بر طرف ديكر
طرف مطالعه سنك بر جهتی بیله اولسون تصدیقه
قلمیاً یناشامش ایدی .

بوسیدن هانكي فكرك دوضی اولدینی
اكلامق بنم ایچون قابل اوله میور او قراكلقدن
چیقه میور ایدم .

مسئله : اساس دینه ؛ ارکان طریقه یا خود
اقسام فقه عائد برشی دكل ایدی که پدرمك
مختلف مسلكه منسوب ديكر مسافرانندن
برینه مراجعت ایدوب مشکلمی حل ایدیم .

قارلرم شو سعلرلی او قوركن بعضاری
كنديلرینی جای سؤال بر تفعله ده بوله جقلردر .
آوت بولر بكا ديه جكلردر که ؛

— پدر كرك كنندی اقرانی بولنان مسلكدا .
شارندن ، جامع درس علملرندن ، دركاه پوست
تیشینلرندن غیری اوزمانك كنچ و خصوصیه
فرنك لسانلرینه آشنا ذواتدن طایید قلكر كنز هیچمی
یوقیدی ده شبهه كزی حل ایدوب قراكلقدن
قورتیله مدكنز ؟

بنده :

— وار ایدی . هم او تاریخنده وطنك اك
كزیده اولادینی تشكیل ایدن طینه عسكریه
افندیلرله سنه لرحه تماسده بولمش ایدم . نه
پایه یم که او قراكلقدن قورتیلمه دكل او یله
بر سوزی آچه بیلمكه مساعد بر زمین بوله مش
ایدم .

ديه كال سربستیه جواب ويريرم .

او مکتب که او زمانلر نه قدر حر ایدی ؟
مثلاً : استانبوله بیلم له قدر اوزاق بر یرده
تبدیل هوا ده بولنیور ایدك . رمضانك سکنز
اون کون و کیجه سنی . او مکتبه طلبه بولنان
برادرمك نزدنده مسافر اولارق کیرمشم .
مناقیان افندی ، سیساق افندی کبی آرتیسستر
مکتبک طماعخانه سنه افطارده بولنورلر . سوفرا ده
سوزلر ، محبتلر عادتاً لظفلر ایراد اولونور .
یکدن سوکره بر کتیبه خالنده تیاترولر کدیاور
ایدی . مکتبدن طلبه یه ویریلان بلك قابوط
قلمجلرك بر چوقلری افندیلر طرفندن « عثمانی
درام » قوم انیه سنه هدیه اولنور ایدی .

عثمانی تیاتر و سنك اك چوق رغبت قرانان
كوزل « پیس » لری او مکتبک قغوشلر نده
ترجه ایدلمش بولنانلر تشكیل ایدردی .

مشهور نحیدر بلك بسته لیدیکی « پنه قیز »
« اوپه رت » نك مؤلفلرندن بری بنه او مکتب
— خاطر مده قالدیغنه کوره منتهی صنفی —
افندیلرندن متوقی دو قنور . مصلح الدین بك
اولوب ديكری ده مچان مولوی بدن یاغی زاده
بیطار عثمان نوری بك برادرمزدر [۳]

او اوپه رت ایلک دفعه اولارق (مسیره
افكار) تیاتر و سنده [۴] اجرا اولنوركن
بنده کیتمش ایدم . او طوره جق هیچ بر یر
یوقدی . لیکن بو کونکی کبی عقلمده دره
بیانچی اولارق بدن باشقه قرق الای کشی
یاوار یاوق ایدی . بوتون طبیه لی افندیلر ایچی
آل قانیله لی پلهرین طرزنده قابوطلریله هر
نقطه یی قابلامش بولنیورلر ایدی .

بولر ، براكلنجه یه بر قینا کیجه سنده
کیتدکلر نده یوزلرحه ارقداش برانکده کیدرلر
واویله عودت ایدرلر ایدی . قارشو دونوشی

[۳] بزده (رسملی غزته) دینیله جك بر طرزده
ایلك غرته چیقاران موسی الیهدر .
(مرآت عالم) و (منظره) کندیولرینك تشبث
وحسن طبیعتلرینه دلایلر .

[۴] بو کونکی بری : شهزاده باشنده فوزیه
جاده سنده فوزیه تیاتر و سی دینلان اسکی قراخانه یه
متصل قوناغاك باغچه سی بولنان محلدر .

مکتبه کیره میوبده کیجه یاریسندن صکره برادرمله
برابر اوه کلوب مسافر اولان طبیه لی افندیلرله
هیچ اولمازسه آیده اوچ درت دفعه کوزوشور
قونوشوردم .


بولاری یاز مقصدن مقصدن براییک سنه
صوکره (اتحاد و ترقی) جمعیتك مؤسسارندن
وجوده کتیرن بو مکتبک بو قدر سرباست افندیلر
ایله بودرجه تماسده بولنديغ حالده او تاریخنده
بولر اك اغزنندن حکومت طالمه یه قارشو بر
چفت سوز ایشدوبده معهود مسئله یی بر آز
اولسون آکلامقه میدان . بوله مدیغمی
بیلدیرمکدر .

بكاویله کایور ایدی که ملتك افكار ضرورمه
سنی تشكیل ایدنلرك باشلیجه سی بولنان بو
افندیلرك یوزده سکسانی او زمانك هیئت
و کلاسی حقه ده بر فکر صاحبی اولق شویله
دورسون بلكه صدراعظمك اسمنی بیله بیلمزلر
ایدی .

یاخود یالکیز برادرمك ارفداشلری او یله
ایدی ده بن باشقلرینی کوره عیش و دیگرلرینی ده
آنلره قیاس ایتش ایدم : نه کیم او زمانك اك
کنچ ادیبلرندن مکتب طبیه لی جناب شهاب
الدین بلك غیر مطبوع انارینی کوزور ایدم .
واقعا (شعردن آکلامق) اقتدارندن اوزاق
ایدی ايسه مده هر حالده او پارچه لرده بر
(قهریات) فریادی دكل حسب بحالی اولدینی
آشکار ایدی .

آنلر یالکیز درس لرینه بچالیشیرلر .
امتحانلرینی دوشونورلر ایدی او سببدن
بنجه قراكلق اولان بنه قراكلق قالمش ایدی .

مابعدی وار



حاجی بك زاده احمد مختار

عمود بك مطبعه سی